



Broj: **02/1-50-8-22-20/25**

Sarajevo, __. __. 2025.

IZVJEŠTAJ O RADU

USTAVNOPRAVNE KOMISIJE DOMA NARODA

PARLAMENTARNE SKUPŠTINE BOSNE I HERCEGOVINE

ZA PERIOD OD 1. 1. 2024. DO 31. 12. 2024.

Sarajevo, januar 2025.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BiH
ZA PERIOD OD 1. 1. 2024. DO 31. 12. 2024.

S A D R Ž A J

1. Opće naznake	3
2. Poglavlje I. Aktivnosti Ustavnopravne komisije	4
Odjeljak A. Statistički podaci o sjednicama	4
Odjeljak B. Zakonodavne i druge aktivnosti	5
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	5
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom i principi - faza I)	6
iii. Razmatranje prijedloga zakona po čl. 108 - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji – faza II)	6
iv. Razmatranje pitanja ocjene ustavnosti	6
v. Razmatranje izvještaja, informacija i delegatskih inicijativa	7
3. Poglavlje II. Aktivnosti Ureda sekretara Ustavnopravne komisije	8
4. Poglavlje III. Ostale aktivnosti	9
Odjeljak A. Aktivnosti u vezi sa ostalim aktima i odnosima s drugim institucijama	9
Odjeljak B. Međunarodna saradnja	9
5. Poglavlje IV. Zaključna razmatranja	9
PRILOG	11

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

I Z V J E Š T A J
O RADU USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. 2024. DO 31. 12. 2024.

OPĆE NAZNAKE

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH.

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

Odlukom o imenovanju članova stalnih komisija Doma naroda Parlamentarne skupštine BiH, broj: 02-34-1-463/23 od 2. 3. 2023, objavljenom u Službenom glasniku BiH, broj: 15/23, za članove Ustavnopravne komisije imenovani su: Marina Pendeš, Sredoje Nović, Kemal Ademović, Snježana Novaković-Bursać, Zdenko Čosić i Šefik Džaferović.

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 2. 3. 2023. (za mandatni period 2022 - 2026) kada su članovi Ustavnopravne komisije jednoglasno izabrali:

- Marinu Pendeš, za predsjedavajuću Ustavnopravne komisije,
- Sredoja Novića, za prvog zamjenika predsjedavajuće Ustavnopravne komisije,
- Kemala Ademovića, za drugog zamjenika predsjedavajuće Ustavnopravne komisije.

Odlukom o izmjeni Odluke o imenovanju članova stalnih komisija Doma naroda Parlamentarne skupštine BiH, broj: 02-34-1-2228/24 od 12. 11. 2024, objavljenom u Službenom glasniku BiH, broj: 79/24, umjesto članice Ustavnopravne komisije Doma naroda Snježane Novaković-Bursać imenovan je Nenad Vuković.

Sekretar Ustavnopravne komisije je Almir Kardaš, a stručna savjetnica Ivana Šeremet.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH);
2. međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini i drugi međunarodni akti;
3. Poslovnik Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15, 53/16 i 71/24);
4. propisi Bosne i Hercegovine iz krivičnogpravnog, građanskopravnog i upravnog područja, propisi iz oblasti uređenja rada pravosudnih institucija, organa uprave, upravnih organizacija, te oblasti ravnopravnosti spolova, izbora, izvršenja krivičnih sankcija i sl;
5. Jedinstvena pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21).

POGLAVLJE I. AKTIVNOSTI USTAVNOPRAVNE KOMISIJE

Odjeljak A. Statistički podaci o sjednicama

S ciljem obavljanja svojih aktivnosti, Ustavnopravna komisija je u izvještajnom periodu održala šest sjednica, a razmatrala 26 tačaka dnevnog reda (u prosjeku četiri tačke dnevnog reda po sjednici). Održavajući ove sjednice, aktivnost je usmjerila na brojne oblasti iz svoje nadležnosti, zasnovane na Planu rada za 2024. godinu.

Sjednica	Datum održavanja	Tačka dnevnog reda	Trajanje sjednice u minutama
1.	30. 1. 2024.	5	40 minuta
2.	8. 3. 2024.	2	10 minuta
3.	18. 3. 2024.	3	20 minuta
4.	18. 7. 2024.	8	110 minuta
5.	10. 10. 2024.	4	15 minuta
6.	11. 11. 2024.	4	20 minuta
UKUPNO	Održanih sjednica: 6	Razmatranih tačaka dnevnog reda: 26	Prosječno trajanje sjednica: 36 minuta

Osim zakonodavnih aktivnosti, Ustavnopravna komisija imala je i kontrolnu funkciju. Potrebno je istaći razmatranje informacija, izvještaja, delegatskih inicijativa i ostalih akata drugih državnih organa i tijela iz nadležnosti Ustavnopravne komisije.

Najveći broj aktivnosti ostvaren je prilikom priprema i održavanja sjednica, te analizom i usvajanjem prijedloga zakona.

Prosjek prisustva članova sjednicama Ustavnopravne komisije je **90%**.

Prosječno trajanje sjednica Ustavnopravne komisije je **36 minuta**.

Odjeljak B. Zakonodavne i druge aktivnosti

Ustavnopravna komisija je u 2024. godini razmatrala određen broj prijedloga zakona, te za njih, nakon provedene procedure, izrađivala mišljenja i izvještaje, i to:

a) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)

1. Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine BiH, zakon broj: 02-02-1-2192/23 od 25. 12. 2023;
2. Prijedlog zakona o dopuni Zakona o strancima, predlagač: poslanik Nihad Omerović, dostavljen od Predstavničkog doma Parlamentarne skupštine BiH, zakon broj: 01-02-1-2349/23 od 29. 2. 2024;
3. Prijedlog zakona o dopunama Zakona o administrativnim taksama, predlagač: Vijeće ministara BiH, zakon broj: 01,02-02-1-929/24 od 10. 5. 2024.

b) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi – faza I. u nadležnoj komisiji)

1. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač: Vijeće ministara BiH, zakon broj: 01,02-02-1-166/24 od 17. 1. 2024;
2. Prijedlog zakona o izmjenama i dopunama Izbornog zakona Bosne i Hercegovine, predlagač: Predstavnički dom Parlamentarne skupštine BiH, zakon broj: 01-02-1-2687/23 od 8. 1. 2024;
3. Prijedlog dopune Poslovnika Doma naroda Parlamentarne skupštine BiH, broj: 03/3-02-4-907/24 od 3. 7. 2024, predlagač: delegat Ilija Cvitanović.

c) Razmatranje prijedloga zakona po čl. 108 – 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II.)

1. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač: Vijeće ministara BiH, zakon broj: 01,02-02-1-166/24 od 17. 1. 2024.

d) Razmatranje pitanja ocjene ustavnosti (član 39. stav (1) tačka g) Poslovnika Doma naroda Parlamentarne skupštine Bosne i Hercegovine - dostavljanje mišljenja Ustavnom sudu BiH). Ova aktivnost ocjene ustavnosti pred Ustavnim sudom BiH odnosi se na zahtjeve u skladu s članom 39. stav (1) tačka g)

1. Zahtjev Ustavnog suda Bosne i Hercegovine, broj: 02-01-2-736/24 od 15. 4. 2024, za davanje odgovora o Zahtjevu za ocjenu kompatibilnosti odredbe člana 12. Zakona o plaćama i drugim naknadama u sudskim i tužilačkim institucijama na nivou Bosne i Hercegovine („Službeni glasnik BiH“, br. 90/05, 32/07 i 77/20) s odredbama člana I/2 i člana II/4 Ustava Bosne i Hercegovine, te članom 14. Evropske konvencije za zaštitu ljudskih prava i osnovnih sloboda, a čiji je podnosilac Sud BiH;
2. Zahtjev Ustavnog suda Bosne i Hercegovine, broj: 02-01-2-1190/24 od 19. 6. 2024, za davanje odgovora o Zahtjevu za ocjenu kompatibilnosti Zakona o plaćama i drugim naknadama u sudskim i tužilačkim institucijama na nivou Bosne i Hercegovine („Službeni glasnik BiH“, br. 90/05, 32/07 i 77/20) s odredbama člana I/2 i člana II/4 Ustava Bosne i Hercegovine, u vezi s odredbama člana 14. Evropske konvencije za zaštitu ljudskih prava i osnovnih sloboda, člana 1. Protokola broj 12 uz Evropsku konvenciju, kao i članom 26. Međunarodnog pakta o građanskim i političkim pravima, a čiji je podnosilac Sud BiH;
3. Zahtjev Ustavnog suda Bosne i Hercegovine, broj: 01,02-01-2-1354/24 od 11. 7. 2024, za davanje odgovora o Zahtjevu za ocjenu kompatibilnosti Zakona o registraciji pravnih lica koja osnivaju institucije Bosne i Hercegovine („Službeni glasnik BiH“, br. 37/03 i 76/11) s članom 2. Aneksa II. Ustava Bosne i Hercegovine, u dijelu člana 1. i člana 18, koji

reguliraju registraciju pravnih lica osnovanih od institucija Bosne i Hercegovine prije stupanja na snagu ovog zakona, a čiji je podnosilac Sud BiH;

4. Zahtjev Ustavnog suda Bosne i Hercegovine, broj: 02-01-2-1443/24 od 24. 7. 2024, za davanje odgovora o Zahtjevu za ocjenu ustavnosti Zakona o Visokom sudskom i tužilačkom vijeću BiH („Službeni glasnik BiH“, br. 25/04, 93/05, 15/08, 48/07, 63/23, 9/24 i 50/24) i podzakonskih akata, odnosno Poslovnika VSTV-a BiH, koji se primjenjuje u postupcima odlučivanja o imenovanjima nosilaca pravosudnih funkcija, s odredbama čl. I/2. i II/3.e) Ustava BiH, u vezi s članom 14. Evropske konvencije za zaštitu ljudskih prava i osnovnih sloboda, članom 1. Protokola broj 12 uz Evropsku konvenciju za zaštitu ljudskih prava i osnovnih sloboda, kao i članom 26. Međunarodnog pakta o građanskim i političkim pravima, kao i prava na djelotvoran pravni lijek iz člana 13. Evropske konvencije za zaštitu ljudskih prava i osnovnih sloboda, te prava na obrazloženu odluku u vezi s općom zabranom diskriminacije iz člana 14. Evropske konvencije za zaštitu ljudskih prava i osnovnih sloboda i člana 1. Protokola 12 uz Konvenciju, a čiji je podnosilac Općinski sud u Sarajevu;
5. Zahtjev Ustavnog suda Bosne i Hercegovine, broj: 02-01-2-1716/24 od 11. 9. 2024, za davanje odgovora o Zahtjevu za ocjenu kompatibilnosti odredbi Zakona o plaćama i drugim naknadama u sudskim i tužilačkim institucijama na nivou Bosne i Hercegovine („Službeni glasnik BiH“, br. 90/05, 32/07 i 77/20) s odredbama člana I/2. Ustava Bosne i Hercegovine, člana 14. Evropske konvencije za zaštitu ljudskih prava i osnovnih sloboda, člana 1. Protokola broj 12 uz Konvenciju, kao i člana 26. Međunarodnog pakta o građanskim i političkim pravima, a čiji je podnosilac Sud BiH.

e) Razmatranje izvještaja, informacija i delegatskih inicijativa

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenje o sljedećim izvještajima, informacijama i delegatskim inicijativama:

1. Izvještaj o radu Ustavnopravne komisije Doma naroda Parlamentarne skupštine Bosne i Hercegovine za 2023. godinu;
2. Prijedlog orijentacionog radnog plana Ustavnopravne komisije Doma naroda Parlamentarne skupštine Bosne i Hercegovine za 2024. godinu;
3. Izvještaj o radu Pravobranilaštva Bosne i Hercegovine za period od 1. 1. 2023. do 31. 12. 2023, podnosilac: Pravobranilaštvo BiH, broj: 01,02-50-18-694/24 od 29. 3. 2024;
4. Godišnji izvještaj Visokog sudskog i tužilačkog vijeća Bosne i Hercegovine za 2023. godinu, podnosilac godišnjeg izvještaja: Visoko sudsko i tužilačko vijeće BiH, broj: 01,02-50-18-936/24 od 13. 5. 2024;
5. Izvještaj o provođenju zakona iz nadležnosti Centralne izborne komisije Bosne i Hercegovine u 2023. godini, podnosilac: Centralna izborna komisija BiH, broj: 01,02-07-4-1497/24 od 30. 7. 2024;
6. Prvi periodični izvještaj o uvođenju novih tehnologija u izborni proces u Bosni i Hercegovini, podnosilac: Centralna izborna komisija BiH, broj: 01,02-50-18-1498/24 od 30. 7. 2024;

7. Informacija o radu Tužilaštva Bosne i Hercegovine za 2023. godinu, podnosilac informacije: Tužilaštvo BiH, broj: 01,02-09-695/24 od 29. 3. 2024;
8. Inicijativa Džemala Smajića, delegata u Domu naroda, koja glasi: „Potrebno je da Upravni inspektorat BiH izvrši inspekcijski nadzor u osam institucija Bosne i Hercegovine jer su postupili suprotno članu 27. stav 3. Zakona o upravi i Parlamentarnoj skupštini BiH nisu dostavili tražene podatke o nacionalnoj zastupljenosti ni nakon više od četiri mjeseca od dana dostavljanja zahtjeva, te da Upravni inspektorat, u skladu s članom 76. Zakona o upravi, naloži ovim institucijama da hitno dostave tražene podatke“, podnosilac: delegat Džemal Smajić, broj: 02-50-6-968/24 od 16. 5. 2024.

POGLAVLJE II.

AKTIVNOSTI UREDA SEKRETARA USTAVNOPRAVNE KOMISIJE

U Uredu sekretara Ustavnopravne komisije (u daljnjem tekstu: Ured sekretara) normirana su radna mjesta: sekretar Ustavnopravne komisije - rukovodeći državni službenik, stručni savjetnik i stručni saradnik. Na kraju izvještajnog perioda, u Ustavnoj komisiji popunjena su dva radna mjesta, i to sekretar Ustavnopravne komisije i stručnog savjetnika. Sekretar Ustavnopravne komisije, u saradnji s predsjedavajućim Ustavnopravne komisije, brine o redovnom i blagovremenom razmatranju svih pitanja iz nadležnosti Ustavnopravne komisije, kao i svih pitanja koja Kolegij Doma uputi Ustavnoj komisiji. Sekretar Ustavnopravne komisije brine o blagovremenom organiziranju sjednica Ustavnopravne komisije, javnih rasprava i javnih saslušanja u okviru nadležnosti Ustavnopravne komisije, odnosno sjednica zajedničkih komisija za usaglašavanje zakona koje su usvojili domovi u različitim tekstovima.

Također, sekretar Ustavnopravne komisije brine o blagovremenom razmatranju prijedloga zakona i drugih akata iz nadležnosti Ustavnopravne komisije, u skladu s Poslovníkom Doma naroda, izradi nacrtu mišljenja i izvještaja o materijalima koje razmatra Ustavnopravna komisija, te pruža stručnu pomoć članovima Ustavnopravne komisije prilikom izrade prijedloga zakona, amandmana i drugih akata iz nadležnosti Ustavnopravne komisije. Osigurava sve potrebne informacije i u vezi s materijalima iz nadležnosti Ustavnopravne komisije, te vodi evidenciju o zaključcima i odlukama Ustavnopravne komisije, kao i o zaključcima i odlukama Doma iz nadležnosti Ustavnopravne komisije, te prati njihovu realizaciju i o tome informira Ustavnopravnu komisiju.

Rukovođen Planom i programom rada Ureda sekretara Ustavnopravne komisije Doma naroda PSBiH za 2024. godinu, Ured sekretara pripremao je i analizirao sve zakone koji su bili u proceduri i druge akte koji nisu zakonodavnog karaktera. Tekstovi pojedinih prijedloga zakona nisu bili usklađeni s Jedinstvenim pravilima za izradu pravnih propisa u institucijama BiH, a neki nisu sadržavali ni sve elemente koje prijedlog zakona mora sadržavati, u skladu s odredbama Poslovnika Doma, što je povećalo potrebu za normativno-tehničkim korekcijama prijedloga zakona.

Ured je, također, uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije. Tu su, u prvom redu, saradnja s Misijom OSCE-e u BiH, Transparency Internationalom u Bosni i Hercegovini, Vijećem ministara BiH, tj. ministarstvima, agencijama, direktijama, Generalnim sekretarijatom Vijeća

ministara BiH, Predsjedništvom BiH, VSTV-om BiH, Ustavnim sudom BiH i drugim pravosudnim institucijama. Predstavnici tih institucija su blagovremeno i potpuno ostvarivali međusobnu saradnju u izvještajnom periodu. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.

POGLAVLJE III. OSTALE AKTIVNOSTI

Odjeljak A. Aktivnosti u vezi sa ostalim aktima i odnosima s drugim institucijama

U izvještajnom periodu Ustavnopravna komisija razmatrala je i druge akte koji nisu zakonodavnog karaktera te uspostavljala saradnju s drugim institucijama, čije je djelovanje srodno njenim aktivnostima. Kontinuirana saradnja nastavljena je s Vijećem ministara BiH, naročito s Ministarstvom pravde BiH. Ministri resornih ministarstava, odnosno sekretari ili pomoćnici ministara redovno su prisustvovali sjednicama Ustavnopravne komisije.

U izvještajnom periodu ostvarena je dobra saradnja s poslanicima u Predstavničkom domu i delegatima u Domu naroda, sekretarima domova, sekretarom Zajedničke službe, sekretarima drugih komisija, rukovodiocima sektora i zvaničnicima izvršne i sudske vlasti. Redovno je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

Odjeljak B. Međunarodna saradnja

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pruža Misija OSCE-a u Bosni i Hercegovini.

POGLAVLJE IV. ZAKLJUČNA RAZMATRANJA

Rad Ustavnopravne komisije u izvještajnom periodu u velikoj mjeri zavisio je od materijala koje je dostavilo Vijeće ministara BiH. Može se konstatirati da je Ustavnopravna komisija blagovremeno razmatrala sve akte iz svoje nadležnosti.

Kako bi aktivnosti Ustavnopravne komisije bile još bolje, a rezultati se mogli kvalitetnije primijeniti, neophodno je sljedeće:

- a) Ustavnopravna komisija usvojiti će svoj orijentacioni radni plan za narednu godinu i realizirati zadatke utvrđene u njemu. Razmatrat će pitanja iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini, te je stoga neophodno što prije planirati njen rad;
- b) Ustavnopravna komisija učiniti će dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koji su je ohrabрили u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije;

- c) Imajući u vidu veliki broj nadležnosti Ureda sekretara, bitnim se smatraju kontinuirane obuke unutar Ureda Ustavnopravne komisije, jer je to garancija njenog uspješnog rada.

Sastavni dio Izvještaja je Prilog broj 1. Tabelarni i brojčani prikaz održanih sjednica, razmatranih tačaka dnevnog reda te razmatranih akata.

PREDSJEDAVAJUĆA
USTAVNOPRAVNE KOMISIJE

Marina Pendeš

Prilog broj 1. Tabelarni i brojčani prikaz održanih sjednica, tačaka dnevnog reda i broj razmatranih akata pred Ustavnom pravnom komisijom

Ustavno pravna komisija

Period od 1. 1. 2024. do 31. 12. 2024.

Tabela održanih sjednica i broj tačaka dnevnog reda:

Broj održanih sjednica	6
Broj tačaka dnevnog reda	26

Tabela razmatranih akata pred Ustavnom pravnom komisijom:

Prijedlozi zakona	Zahtjevi za ocjenu ustavnosti	Izvještaji i informacije o radu institucija BiH	Delegatske inicijative
6	5	7	1